









Գ. ԵՂԵԱԶԱՐԵԱՆՑ.

# Ք Ե Լ Ե Խ

Վոդեվել 1 արար.



Ե Ր Ե Ի Ա Ն

Տպարան «ԼՈՅՍ» Բէհրսեղեան փող. № 12.

1914

Դիմել 15 հոկտեմբեր

891-99

9580

437

Lintunpääjärvi ♀.

P. k. k. k.

ԱՅՈՒԳՎԱԾ Է 1961 թ.

# Ք Ե Լ Ե Խ

Վոդեվիլ 1 արար.

9580

A 27427



Ե Ր Ե Ի Ա Ն

Տպարան «ԼՈՅՍ» ԲԷՆԲՈՂԵԱՆ ՓՈՂ. № 12,

1914

## Ա Ն Չ Ի Ն Ք

ՔԱՂՑԱԾԵԱՆ, դերասան մօտ 30 տարեկան  
ԳԵՐԵԶՄԱՆԱՏԱՆ ՊԱՀԱՊԱՆ


ԱՐՄԵՆ, մօտ 50 տարեկան, ճաղատ զլխով  
ԱՆԹԱՌԱՆ, Աբսենի մայրը, մօտ 70 տարեկան  
ԱՅՐԻ, փափախչի Գրիգորի, մօտ 25 տարեկան  
ՏԻՐԱՑՈՒ

1. ՍԳԻՈՐ


2. ՍԳԻՈՐ

ԳԵՐԵԶՄԱՆԱՓՈՐ





1. Դարբասը, 2. Շուշանի գերեզմանը, 3. Փափախչի Գրիգորի գերեզմանը, 4 և 5 մահարձաններ օ ծառեր, a b—երկինք, c d—ցանկապատ:



Բեմը գերեզմանատուն է ներկայացնում:

## ՏԵՄԻԼ 1.

### ՊԱՀԱՊԱՆ ԵՒ ԳԵՐԵԶՄԱՆԱՓՈՐ

(Գերեզմանափորը բահը ձեռքին աշխատում է գերեզմանի վերայ, մտնում է աջից պահապանը)

ՊԱՀ.— Շտապիր, բարեկամ. շուտով կ'գան մեռելատէրերը:

ԳԵՐԵԶՄ.— Ամեն ինչ կարգին է, պարոն պահապան: Այնպէս ջանք եմ գործ դրել, որ յոյս ունիմ գոհ պիտի մնաք ինձնից: (աշխատում է):

ՊԱՀ.— Այդ ես տեսնում եմ, որ դու լաւ աշխատաւոր ես, ուստի իմ յարգելի մեռելների կողմից՝ յայտնում եմ խորին շնորհակալութիւնս:

ԳԵՐԵԶՄ.— Դուք ինձ ներեցէք, պարոն պահապան, սակայն ինձ մի բան զարմացնում է. դուք ապրում էք գերեզմանատանը, ամեն օր, համարեա, մեռելներ էք տեսնում և փոխանակ տխրելու, դուք միշտ տրամադիր էք կատակներ անել:

ՊԱՀ.— Դա հենց նրանից է, որ ես շարունակ մեռելների հետ գործ ունեմ, որքան շատ մահ ես տեսնում, այնքան շատ զգում ես կեանքի ունայնութիւնը: Դու տես, թէ ինչպէս ան-

տարբեր են տէրտէրէնները, դէպի այն ամենը, ինչ որ իրենց չի վերաբերում: (պաուզա): Մախլանս... Է, չ'վերջացրիր:

ԳԵՐԵՉՄ. — Այո՛, պատրաստ է:

ՊԱՂ. — Դէ, վերցուր գործիքներդ գնանք, այն կողմումն էլ գործ կայ անելու: (ցոյց է տալիս բեմի խորքը, ուր գնում են երկուսով):

## ՏԵՍԻԼ 2.

### ԳՈՂՑԱՄԵԱՆ

ԳՈՂ. — (Մտնելով դարբասից) Ահա և գերեզմանատուն... Այսքան տարի ծառայիր ազգին, աշխատիր բեմի վերայ, որպէս զի վերջ ի վերջոյ քաղցած փորով, քո սեփական ոտքերով դաս գերեզմանատուն մեռնելու... Ահա քեզ և վարձատրութիւն... Սուտ չէ ասած, որ մարդիկ չեն կարող գնահատել հանճարներին: Այո՛, դու տգէտ ամբոխ, խուլ են քո ականջները, փակ են քո հոգու աչքերը, որ դու չը տեսար իմ արժանիքները և չը գնահատեցիր այդ: Կը դայ ժամանակ, երբ դու ու շքի կը դաս, կը հասկանաս կատարած յանցանքդ, բայց, աւանդ, ու չ կը լինի. — դերասան Քաղցածեանը փթած կը լինի հողի տակ: Դու այն ժամանակ կը սգաս, կ'ողբաս, կը դաս շիրիմիս երկրպագելու, դափնիներով ու անթառամ ծաղիկներով. — դու կասես, շմենք սը-

քան մեղաւոր ենք քո դէմ, ով անմահ դերասանն. վեր կաց քո տեղից, մենք այլ ևս չենք թողնի, որ դու մեռնես քաղցից. այ, տես, բերել ենք քեզ համար քուվթայ ու շիլայ, խնձորով տօլմայ, կարմիր գինի, թթու դրած խիար, գառան մսից խորոված, հետն էլ սև բադըջան ու պամիդոր: Օ՛յ, ճյ, ճյ. (բռնում է փորը) կերակուրների անուռն տւեցի աւելի սաստկացաւ փորիս ցաւը: Ա՛յ, դո՛ւ, անպիտան փոր. տես ինչպէս էլ զրդրում է. սպասի՛ր, սպասի՛ր, մի վայրկեան ևս և դու կը լռես յաւիտեան: (հանում է գրպանից հեղուկով լի փոքրիկ սրակ) Ահա, քո վերջին կերակուրը, սա քեզ կը կշտացնի յաւիտեան: Դէհ, մնաս բարով աշխարհ, մնաս բարով և դու անպիտան քաղցածութիւն, անկոչ և անբաժան իմ ընկեր: (բարձրացնելով ձայնը) Եկէք և փորէք իմ գերեզմանը: Է՛յ, ով կայ այդտեղ: (բեմի խորքից մօտենում է գերեզմանափորը) Ա՛յ, հենց այստեղ... դէհ, շուտով փորեցէք գերեզմանս:

### ՏԵՍԻՆ 3.

**ՔԱՂՑԱԾԵԱՆ ԵՒ ԳԵՐԵԶՄԱՆԱՓՈՐ.**

**ԳԵՐԵԶՄ.**— Հրամայեցէք, պարոն:

**ՔԱՂ.**— (սնափակելով) Հ՛ը, ինչ ես ուզում, հվ ես դու:

**ԳԵՐԵԶՄ.**— Ես գերեզմանափոր եմ: Դուք

կարծեմ ուզում էք գերեզման փորել տալ ձեր մեռելի համար:

ՔԱՂ. — (կողմը) Իմ մեռելի համար: Սա ինձ արդէն մեռած է հաշուում: (նրան) Այո, այո, փորի:

ԳԵՐԵԶՄ. — Իսկ դուք, պարոն, պահապանին յայտնել էք դրա մասին:

ՔԱՂ. — Մի՛թէ, առանց պահապանին հարցնելու մեռնել չի՞ կարելի:

ԳԵՐԵԶՄ. — Ո՛չ, մեռնելու մասին չէ խօսքս, այլ գերեզման փորելու: Այստեղ այսպէս է ընդունւած: Կամենաք ես ձայն կը տամ նրան: (բարձր) Պարոն պահապան, պարոն պահապան, այստեղ եկէք: (նրան) Ես մի հասարակ աշխատաւոր եմ և առանց նրա կարգադրութեան ոչինչ իրաւունք չունեմ անելու:

ՔԱՂ. — (կողմը) Տեսնենք, թէ պարոն պահապանը որտեղ կը հրամայի մեզ թաղւել:

ԳԵՐԵԶՄ. — Ի՞նչ հասակի է ձեր մեռելը:

ՔԱՂ. — Ճիշտ իմ հասակիս: (լալիս է)

ԳԵՐԵԶՄ. — Կի՞ն է, թէ տղամարդ:

ՔԱՂ. — Տղամարդ, այն էլ ինչպիսի տղամարդ: (լալիս է):

ԳԵՐԵԶՄ. — Ահա, և նա:

#### ՏԵՄԻՂ 4.

ՆՈՅՆՔ ԵՒ ՊԱՀԱՊԱՆ

ՊԱՀ. — Բարև ձեզ:

ՔԱՂ.—Մնաք բարով:

ՊԱՀ.—(զարմացած նայում է Քաղցածեանին եւ տղա հարցնում) Գերեզման էք ուզում փորել տալ:

ԳԵՐԵԶՄ.—Այո՛ այո, պարոնի համար մեծ տեսակի գերեզման է հարկաւոր:

ՊԱՀ.—Շատ լաւ, շատ լաւ, շատ ուրախ եմ:

ՔԱՂ.—Ինչի՞ն էք այդպէս ուրախանում, որ ինձ գերեզման է հարկաւոր: Ես ձեզ ի՞նչ վատ բան եմ արել:

ՊԱՀ.—Ո՛չ, դուք ինձ վատ բան չէք արել, ես ուրախ եմ, որ կարող եմ ձեզ օգտակար լինել:

ՔԱՂ.—Ասենք այդ մէկը ճիշտ է, դուք ինձ մեծ օգնութիւն արած կը լինէք:

ՊԱՀ.—Թոյլ տւէք հարցնել, ի՞նչ հիւանդութիւնից է մեռել ձեր ննջեցեալը:

ՔԱՂ.—Մի շատ սգեղ հիւանդութիւնից, այնքան սպիտակ, որ ես անունը տալ անգամ չեմ ուզում:

ՊԱՀ.—Ներեցէք, բայց այդ դուք պարտաւոր էք ասելու... մի գուցէ, նա վարակիչ հիւանդութիւնից է մեռել, այդ դէպքում, ես չեմ կարող թոյլ տալ թաղել նրան ընդհանուր գերեզմանատանը:

ՔԱՂ.—Եթէ այդպէս ցանկանում էք, համեցէք — նա մեռել է, կամ, աւելի ճիշտն ասած, պիտի մեռնի... ինչպէս ձեզ ասեմ... հա՛, փորի

դադարկութիւնից:

ԳՆՐԵԶԻՄ.—Փորի դադարկութիւնից:

ՊԱՀ.—Այդ ի՞նչ տեսակի հիւանդութիւն է եղել. ինչից է յառաջանում դա:

ԲԱՂ.—Գլխաւորապէս, շուտելուց:

ՊԱՀ.—Մեռելը տանն է, թէ եկեղեցում:

ԲԱՂ.—Ոչ, նա այստեղ է:

ՊԱՀ.—Այստեղ է. այդ երբ էք բերել, որ ես չեմ տեսել:

ԲԱՂ.—Նրան չեն բերել. նա ինքն է եկել:

ՊԱՀ.—Ինչպէս թէ ինքն է եկել. միթէ մեռելը կարող է գալ:

ԲԱՂ.—Նա դեռ կենդանի է. եկել է այստեղ մեռնելու: Նա սպասում է միայն գերեզմանը պատրաստ լինելուն: (լալով) Խեղճ Քաղցածեան: Ա՛յ, անպիտան փոր... (պահապանին) Դէհ, բարեկամ, պատւիրիր շուտով գերեզմանը պատրաստեն. ես այլևս ուժ չունեմ դիմանալու: (լալիս է):

ՊԱՀ.—Շատ էլ մէք վշտանայ, պարոն, ինչ արած, Աստուծոյ կամքն է: Ժամանակի ընթացքում կը մոռանաք:

ԲԱՂ.—Ո՛չ, ես իսկոյն կը մոռանամ: (լալիս է):

ՊԱՀ.—(կողմը) Զարմանալի բան, այսպէս աղի արտասուենքով լալիս է, այսպէս վշտանում է և իսկոյն պիտի մոռանայ: (նրան) Ասացէք խնդրեմ, պարոն, ձեր ի՞նչն է այդ մեռնողը:



**ՔԱՂ.** — Իմ ամենամօտ մարդը, աշխարհիս երեսին: (երկար լալիս է): Այնքան մօտ, որ իմ և նրա մէջ ոչ մի տարածոթիւն չկայ:

**ՊԱՀ.** — (կողմը) Ո՛չ, կատարեալ խենթ է այս մարդը: (գերեզմանափորին) Ինչ արած, փորիք գերեզմանը: Ես շուտով կը վերադառնամ: (գնում է):

### ՏԵՍԻԼ 5.

**ՔԱՂ, ՑԱՄԵԱՆ ԵՒ ԳԵՐԵԶՄԱՆ ԱՓՈՐ**

**ԳԵՐԵԶՄ.** — Թոյլ տւէք չափել ձեր բոյը:

**ՔԱՂ.** — Չափեցէք: (գերեզմ. չափում է, իսկ Քաղցածեանը դառն լալիս է: Գերեզմ. սկսում է փորել):

**ՔԱՂ.** — (մէկուսի) Ահա և նոր բնակարան... բնակարան, որը ոչ մի հարմարութիւն, բացի տեղաւորելուց նրա մէջ չի պահանջում. — ոչ մահճակալ, ոչ սեղան, ոչ աթոռներ, ոչ դուռ, ոչ պատուհան, ոչ խոհանոց, ոչ էլ կերակուրներ... այ, այ, այ, դարձեալ կերակուրների անուաններ լսեց: Անիծւեա դու փոր. ազահաւթեամբդ ինձ մինչև գերեզման հասցրիր: Համբերիր, գոնէ, մինչև պատրաստեն: (պաուզա) Ոչ տաքացնել է հարկաւոր, ոչ լուսաւորել, իսկ ամենագլխաւորը, որ բնակարանի վարձ չկայ. էլ չես լսելու տանտիրոջ անպիտան ձայնը. — «պարոն Քաղցածեան, կարելի՞ է ներս գալ». համեցէք, «Պարոն Քաղցածեան ամիսը վաղուց լրացել է, իսկ դուք բնակարանի վարձը դեռ չէք

տւել, բարի եղէք... (ծայնը մեղմացնելով) Յարգելի խաղեսային... ես... ըր՛ր... մի փոքր էլ... այլևս ես չեմ խեղճանայ նրա առաջ. հիմայ ես ինքս եմ տան տէրը: (պաուզա) Ինչ լաւ կը լինէր, եթէ մարդ կենդանութեան ժամանակ ունենար այս բոլոր հարմարութիւնները: Իսկապէս, ինչ հրաշալի բան կը լինէր.— ոչ տաք կը զգայիր, ոչ ցուրտ. ոչ լոյս կը տեսնէիր, ոչ էլ խաւար. ոչ ուտել կուզենայիր, ոչ էլ... ա՛յ, դու անպիտան փոր. ես որ ամբողջ 6 օր է համբերում եմ, դու մի կէս ժամ չես կարող համբերե՞լ: Իսկապէս, ինչ հրաշալի բան կը լինէր.— ոչ փողի կարիք կը զգայիր, ոչ էլ աշխատանքի, կապրէիր ազատ թռչունի պէս.— որտեղ կուզէիր, այնտեղ էլ բնակութիւն կ'հաստատէիր: Բայց ափսոս, որ չի լինում. նախ պիտի մեռնես և ապա ստանաս այս բոլոր հարմարութիւնները... (մտնում է պահապանը) Ափսոս ես, ափսոս իմ հանճարը... (պահապանին) Դու գիտե՞ս, ինչ աւել է հանճար:

## ՏԵՍԻԼ 6.

### ՆՈՅՆՔ ԵՒ ՊԱՀԱՊԱՆ

ՊԱՀ.— Ը՛րր... մօտաւորապէս:

ՔՊԱ.— Նէնց ցաւն էլ դորանու՞մն է, որ մօտաւորապէս գիտես. իսկ եթէ դուք իմանայիք, թէ ինչ է հանճարը, ես այսօր չ'պիտի մեռնէի Քաղցից:

ՊԱՀ.— Ինչպէս, ուրիմն դձևք էք այդ մեռնողը:

ՔԱՂ.— Այո, ես, յայտնի դերասան Քաղցածեանը, որը 3 տարի ի վեր ծառայած է ազգային բեմի վերայ և այդ ծառայութեան հատուցումը եղաւ, որ ես այսօր փորս մէջքիս կպած, պիտի հողը մտնեմ:

ՊԱՀ.— Յաւալի է, շատ ցաւալի է այդպէս երիտասարդ հասակում մեռնել: Բայց, միթէ, այդ երեք տարւայ ընթացքում դուք չ'նկատեցիք, որ դերասանութիւնը այդպիսի մի հիւանդութիւն է յառաջացնում ձեր մէջ և ժամանակին թողնէիք բեմը:

ՔԱՂ.— Առաջ այնքան յաճախ չէր լինում այդ հիւանդութիւնը. լինելուս էլ տեսում էր 2, 3, շատ—շատ 4 օր: Հիմայ, ահա, 6-երորդ օրն է, ինչ ոչինչ չեմ կերած:

ՊԱՀ.— Ես առաջին անգամն եմ լսում, որ դերասանութիւնը կարող է փակել մարդու ախորժակը այնպէս, որ նա մինչև անգամ մեռնի քաղցից: Ես ընդհակառակը գիտէի, որ դերասանները շատ լաւ ախորժակ ունեն և փառաւորապէս ուտել գիտեն:

ՔԱՂ.— Այ, այ, այ...

ՊԱՀ.— Ի՞նչ պատահեց ձեզ:

ՔԱՂ.— Ո՛չինչ, շարունակեցէք խնդրեմ, միայն թէ ուտել բառը մէք գործածի:

ՊԱՀ.—(կողմը) Այս ինչ՞ զարմանալի հիւանդութիւն է եղել: (նրան) Ես մէկ դերասան գիտէի, որը յաճախ, երբ գործ չէր ունենում ըմբի վերայ և, հետևաբար, քաղցած էր մնում, գալիս էր գերեզմանատուն դամբանականներ ասելու: Նրան շատ սիրով ընդունում էին և քելեխով հիւրասիրում. և դուք չէք կարող երևակայել, թէ ինչպիսի ախորժակով նա ուտում էր... այ, ներեցէք, խուլփում էր. այնպիսի ախորժակով, որ ոչ ոք նրա հետ մրցել չէր կարող:

ՔԱՂ.—Ա՛յ, հրաշալի միտք, սքանչելի գիւտ...

ՊԱՀ.—Իսկապէս, շատ խելացի՛ն էր: Մէկ անգամ էլ...

ՔԱՂ.—(մէկուսի) Ինչ սրամտութիւն. դամբանական, հա՛... (նրան) Սպասեցէք, բայց չէ որ դամբանական խօսելու համար, պիտի ծանօթ լինել մեռելին, նրա անցեալին, իմանալ նրա ով լինելը...

ՊԱՀ.—Հարկաւ. նա վաղօրօք ժողովում էր այդ տեղեկութիւնները:

ՔԱՂ.—Իսկ... քելեխ ուտելը յաճախ է լինում այստեղ:

ՊԱՀ.—Համարեա թէ, ամեն օր:

ՔԱՂ.—Իսկ այսօր կ'լինի քելեխ:

ՊԱՀ.—Ա՛յ, հէնց այսօր պիտի կատարեն այս մեռելի եօթը. երևի շուտով կ'զան նրա ազգականները:

ՔԱՂ.—Քելեիս էլ կ'լինի չէ՛:

ՊԱՀ.—Անշուշտ:

ՔԱՂ.—Ասացէք խնդրեմ, եթէ ես դամբանական խօսեմ, ինձ էլ կը հիւրասիրեն քելեխով:

ՊԱՀ.—Անկասկած: Բայց ձեր ինչի՞ն է պէտք քելեխը, քանի որ դուք ուտել չէք կարող:

ՔԱՂ.—Եւ ինչո՞ւ չ'պիտի կարողանամ:

ՊԱՀ.—Ձէ՛ որ, դուք ինքներդ ասացիք քիչ առաջ, որ այդպիսի մի հիւանդութիւն ունէք:

ՔԱՂ.—Այո, ունեմ, քանի որ ուտելու բան չկայ, բայց դուք ինձ ուտելիք տւէք և կը տեսնէք, թէ ես ինչպէս կուտեմ: Երդու՞մ եմ ես իմ այս դադարկ փորովս. այ, տեսէք, ինքն էլ վկայում է. — ինչպէս սկսեց զրդրալ, որ ամենքին զարմացնեմ:

ՊԱՀ.—Հիմայ ես հասկացայ ձեր հիւանդութիւնը:

ՔԱՂ.—Դուք չէք կարող ինձ մի փոքր տեղեկութիւններ տալ այդ մեռելի մասին:

ՊԱՀ.—Ինչու չէ, համեցէք: Սա փափախչի Գրիգորի գերեզմանն է, որին եօթ օր սրանից առաջ թաղեցին:

ՔԱՂ.—Փափախչի Գրիգոր... Հ՛ը: Քանի՞ տարեկան էր նա:

ՊԱՀ.—Մօտ քառասուն:

ՔԱՂ.—Միջին հասակ: Կարելի է անւանել և ջահել հասակ. — ես դորանից մի բան չեմ կոր-

ցնի. ընդհակառակը շահած կը լինեմ, եթէ ասեմ ծաղիկ հասակում մեռաւ: Դուք ի՞նչպէս էք կարծում:

ՊԱՀ.— Հարկաւ, լաւ կը լինի:

ՔԱՂ.— Այդպէս ուրեմն.— նա մեռաւ... Ո՛չ, ուղղակի, — մեռաւ ծաղիկ հասակում իմ անմոռաց, իմ թանգագին ընկեր փափախչի Գրիգորը և թողեց... սակայն ի՞նչ: Դուք չ՛գիտէք, թէ նա ինչ թողեց.

ՊԱՀ.— Այրին է մնացել նրանից յետոյ, իսկ ուրիշ ինչ է թողել, չը գիտեմ:

ՔԱՂ.— Ուրեմն.— և թողեց, մի գեղեցիկ, մի աննման այրի. իսկ, եթէ յանկարծ նրա այրին տգեղ լինի և վիրաւորւի:

ՊԱՀ.— Կարող է պատահել, իմ կարծիքով աւելի լաւ կը լինի, որ դուք այրուն թողնէք հանգիստ և խօսէք միմիայն մեռելի մասին:

ՔԱՂ.— Դուք իրաւացի էք: Ուրեմն, նորից, փոխենք ձեր: — Նա մեռաւ: (պառլզա) Ահա, նրա գերեզմանը: (պառլզա) Նա ուզում էր ապրի (պառլզա), բայց մեռաւ:

ՊԱՀ.— Դուք լաւ կանէք, եթէ մի քանի հաս խրթին բառեր արտասանէք. դա կուժեղացնի տպաւորութիւնը: Դուք դերասաններդ զիտէք այդպիսի բառեր:

ՔԱՂ.— Այո՛, այո՛, շատ խելացի է ձեր ասածը: Օրինակ (երկար մտածելուց յետոյ) բուտաֆօ-

րիա, կամ ամսլո՞ւա. հա՛, այդպէս ուրեմն.—նա մեռաւ և...

ՊԱՀ.—Ահա գալիս են. — փափախչի Գրիգորի այրին է տիրացւի հետ:

ԲԱՂ.—Ափսոս որ շուտ եկան, ես ժամանակ չեմ ունենալու ճառս պատրաստել:

ՊԱՀ.—Իսկ ինձ թւում է, որ դուք կը հասցնէք, որովհետեւ, մինչև բոլոր ազգականները կը ժողովեն, բաւականին ժամանակ կ'անցնի: Եկէք գնանք իմ բնակարանս.— այստեղ է՝ գերեզմանատանը, այնտեղ կը պատրաստէք ձեր ճառը:

ԲԱՂ.—Գնանք իմ փրկիչս: (գերեզմանափորին) է՛յ, բարեկամ, թող փորելը, ինձ էլ առայժմս գերեզման հարկաւոր չէ: (զնում են):


### ՏԵՍԻՆ 7.

#### ԱՅՐԻ ԵՒ ՏԻՐԱՑՈՒ.

ԱՅՐԻ.—(Մօտենալով 3 գերեզմանին) Ահա տիրացու, իմ անբաղտ ամուսին Գրիգորի գերեզմանը: Գնաց այս աշխարհից, թողեց ինձ անտէր, անտիրական: (լալիս է):

ՏԻՐԱՑ.—Մենք ամենքս էլ մահկանացու ենք քոյրիկս, մենք ամենքս էլ մի գեղեցիկ օր պիտի թողնենք այս ունայն աշխարհը և գնանք ապրելու յաւիտեանական կեանքով: Ասուած նրա հոգին լուսաւորէ. ամէն:

ՊԱՀ 211



**ԱՅՐԻ—ԱՄԷՆ:** Տիրացու, թէև Գրիգորիս եօթը այսօր է, բայց քելեխի պատրաստութիւն չը կարողացայ տեսնել. երեխաներս հիւանդ են. շուտով տուն պիտի վերադառնամ: 2—3 օրից յետոյ կանեմ քելեխը: Ես կ'իմացնեմ ժամանակին. այդպէս էլ կասես տէրտէրին:

**ՏԻՐԱՑ.**—Գլուխդ ողջ լինի, քոյրիկս, երեք օրից յետոյ թող լինի. միայն թէ պարտքդ կատարած լինես և մեզ հոգևորականներիս չը մոռանաս: Աստուած չի բարկանայ: Մնաս խաղաղութեամբ: (Գնում է: Այրին խուկ է ծխում: Քիչ յետոյ):

### ՏԵՍԻԼ 8.

**ԱՐՍԷՆ, ԱՆԹԱՌԱՆ ԵՒ ԵՐԿՈՒ ՍԳԻՈՐՆԵՐ.**

**ԱՐՍ.**—(Մօտենալով Ձուշանի գերեզմանին) Ա՛խ. Շուշան ջան, անխ կնիկ ջան, անխ...

**ԱՆԹ.**—Վանյ իմ ջահել, ջիւան հարսի ջան վա՛յ...

1 և 2 ՍԳԻՈՐ.—Վանյ մեր Շան, վանյ:

**ԱՐՍ.**—Դու ինչպէս ինձ թողիր ու գնացիր, իմ հրեշտակ, իմ հաւատարիմ կնիկ ջան. վանյ, վանյ, վանյ...

**ԱՆԹ.**—(Երգելով) Լացիր բալաս, լացիր վայ կանչելով. գնաց օղուշաղդ, քանդւեց տունդ, մի գաւակ էլ չը թողեց քեզ մխիթարանք օր մեծութեան, իմ բալես, վանյ...

**ԱՅՐԻ**—(Երգում է նոյն եղանակով) Դադգեահի ա-



ուղին նստած, ոտքերդ տակիդ ծալած, մօրթին առաջիդ փռած, մկրատը ձեռքդ առած, չափում էիր ու ձևում, ձևում ու կտրում, կտրում ու կարում մեծ ու պստիկ փափախներ, Գրիգոր ջան, վայ...

Անթ.—(Երգելով) Եան սփռակին նստած, մլերը ձեռքդ առած, թելը մատիդ փաթաթած գործում էիր հատիկ, հատիկ, մեծ ու պստիկ շուքիներ, Շուշան ջան, վայ...

ԱՅՐԻ.—(Եռանդով) Կարածդ փափախներին մեռնեմ, Գրիգոր ջան, վայ ..

Անթ.—(Նոյնպէս եռանդով) Գործածդ շուքիներին մեռնեմ, Շուշան ջան, վայ...

1 ՍԳԻՈՐ—Հելիք լաց լինես, Անթառան խնամի, լացով նրան չես կենդանացնի. ինչ արած, Աստուծոյ կամքն է. նրա ճակատին էլ այդ էր գրած:

2 ՍԳԻՈՐ—Բերէք խօւնկ ծխենք, ողորմաթասը խմենք. թող Շուշանի մարմինը գերեզմանում հանգստանայ, հոգին էլ արքայութեան մէջ: (խօնկ են ծխում. 1 սղորը բերում է զինի):

ԱՅՐԻ.—(Համբուրում է գերեզմանը եւ ոտքի կանգնում) Դէհ, մնաս բարով Գրիգոր ջան. մի բարկանայ, մէկ էլ դալուս քելելի կանեմ: (ուղում է զնալ)

1 ՍԳԻՈՐ—(Լցնելով Թասը զինով) Ա՛ռ, Արսէն, խմի ողորմաթասը:

ԱՐՍ.—Աստուած ողորմի Շուշանի հոգուն: (խմում է)

Անթ.—(այրուն) Գոյրիկ, համեցէք մի ողորմաթաս էլ դուք խմէք:

ԱՅՐԻ—(մօտենալով) Ո՞վ է ձեր մեռելը:

Անթ.—Իմ հարսս, Շուշան անուհով: Երեք տարւայ պսակւած էր:

1 ՍԳԻՈՐ—(զինով թափ տալիս է այրուն)

ԱՅՐԻ—է՛հ... փուչ աշխարհ... Աստուած հոգին լուսաւորի: (խմում է)

Անթ.—Ձեր մեռելը ով է:

ԱՅՐԻ—Ի՞նչ էլ մարդս է: Փափախչի Գրիգորը. գուցէ ճանաչես:

Անթ.—Ձէ, (1 սգորին) Աղջի գինի լցրու. մէկ-մէկ էլ խմենք փափախչի Գրիգորի ողորմաթասը: (Հերթով, ողորմի փափախչի Գրիգորի հողուն ասելով, խմում են: Մտնում է Քաղցածեանը):

## ՏԵՄԻԼ 8.

### ՆՈՅՆՔ ԵՒ ՔԱՂՑԱԾԵԱՆ

ՔԱՂ.—(Կողմը) Ա՞յս ինչ է. եթէ չեմ սխալուում, պահապանը այս գերեզմանի համար ասեց, իսկ նրանք այնտեղ են ժողոված. (պառլզա) ինչպէս երևի պահապանը սխալւել է: (բարձր) Թողէք, Թողէք ես մօտ գամ: (առաջ գալով, կանգնում է Չուշանի գերեզմանի դիմին) Ահա և նա: (պառլզա) Մեռաւ: (պառլզա) Նա ծնւեց, լոյս աշխարհ եկաւ, ուզում էր ապրի... նա մեռաւ: (պառլզա) Նա մեռաւ ծաղիկ հասակում, կոկոն հասակում, դեռ չը բաց-

ւած հասակում...

ԱՆԹ. և ԱՐՄ.—(լալով) Վարդի կոկոն էր վնւյ, վնւյ, վնւյ...

ՔԱՂ.—(կողմը) Սկիզբը լաւ էր: Սզդեց: (Ար-սնին) Սիրտս սաստիկ բարախում է. մի թաս գինի, եթէ կարելի է: (բռնում է փորը)

ԱՐՄ.—(1 սզւորին) Գինի լցրու:

1 ՍԳԻՈՐ.—(Լցնելով թասը, տալիս է Քաղցածեանին):

ԱՐՄ.—Առ բարեկամ, ողորմի հոգուն ասայ և խմի:

ՔԱՂ.—Ողորմի քեզ. Աստուած հոգիդ լուսաւորէ: (խմում է եւ շարունակում)—Նա ուզում էր ապրել, ուզում էր գործել...

ԱՆԹ.—Վնւյ, դուրբան լինեմ ես նրա մատներին. այնպէս լաւ գործում էր. լաւ, լաւ չուլքիք, դժտգէ շալեր. վնւյ, վնւյ...

ՔԱՂ.—(կողմը) Ինչե՞ր է ասում. չէ, ինչպէս երևի խանդարւել է խեղճի յիշողութիւնը: (շարունակում է)—Դուք ուզում էք ասել, որ նա մեռաւ, իսկ ես կասեմ, ոչ, նա չի մեռէ: Նա մեռել է, գուցէ նրանց համար, ովքեր նրան չեն ճանաչում, իսկ մեզ համար նա կենդանի է և կապրի մեր սրտերում, քանի որ նրանք բարախում են:

ԱՐՄ.—Դուք նրան ճանաչում էիք:

ՔԱՂ.—Ինչպէս չէ, նոյնիսկ շատ լաւ: (կողմը) Մեծ սուտ ասեցի: (շարունակում է) Նա սովորական վարպետներից չէր, այլ կատարեալ գեղար-

ւեռտագէտ: Նա գնաց, թողնելով այս փուչ աշխարհին, իր բալոր ընկիւղի...տը:

ԱՆԹ.—Ձեր տունն էլ վիզիթով եկել էր, հա՛: Վա՛յ ես նրա արած վիզիթներին մեռնեմ:

ՔԱՂ.—Ես ասում եմ բեկիւղիտ:

ԱՆԹ.—Հա՛, դուրբան լինեմ քեզ, հասկացայ, երեք վիզիթ:

ՔԱՂ.—(կողմը) Թէև սխալ հասկացաւ, բայց փնաս չունի: (շարունակում է) Նրա անպլուան սէրն էր:

ԱՆԹ.—(1 սզուրին) Այդ ինչ ասեց. չը հասկացայ:

ՔԱՂ.—Եւ նա շարունակ իր ամպլուայի մէջն էր:

1 ՄԳԻՈՐ—(Անթառանին) Երեի այն մօզնի դէյրի մասին է ասում.—առաջը բաց:

ԱՆԹ.—Տանգօ ֆասօնը:

ՔԱՂ.—Անցան այն երջանիկ, այն բաղդաւոր օրերը, երբ մենք միասին, երկու մտերիմ սրտեր...

ԱՐՄ.—(կողմը) Մտերիմ սրտեր...

ՔԱՂ.—Թէև շատ ժամանակ իրարից հեռու, բայց հոգւով միշտ միասին, ապրում էինք, ինչպէս մի հոգի և մի մարմին:

ԱՐՄ.—Այս ինչ նորութիւններ եմ լսում ես:

ՔԱՂ.—Աբա՛, դուք ինչ էիք կարծում: (շարունակում է) Նա մեռաւ. և ինչո՞ւ: Էլ ո՞վ ինձ ան-

բաղդէիս պիտի սիրէ:

ԱՆԹ.—Վնւյ, քոռանամ ես:

ԱՐՍ.—(կողմը) Իմ կինս սիրելիս է եղել սրան:  
Ահա թէ ի՞նչ. ես այդ չը գիտէի:

ՔԱՂ.—Վշտի ժամերում, էլ հում գրկում ես  
պիտի...

ԱՐՍ.—(զարմացած) Գրկում:

ՔԱՂ.—Այո, գրկում:

ԱՐՍ.—(կողմը) Սուս կացէք, որ բռնել եմ  
գողին: (նրան) Այդ լաւ է, որ դուք ձեր սեփա-  
կան ոտքերովն էք եկել:

ՔԱՂ.—Այո, իմ սեփական ոտքերովս:

ԱՐՍ.—(ոտից զլուխ զննում է Քաղցածեանին):

1 ՍԳԻՈՐ.—(2 սղորին) Աղջի, մի լաւ նայի  
դրան: Այ, կտրուէր ճաշակդ, կնիկ. մարդ էլ  
այդպէս կապիկին սիրեկան կանի: (զննում է Քաղ-  
ցածեանին):

2 ՍԳԻՈՐ.—(կտրատելով) Նա ինչ ճաշակ ու-  
նէր որ... НЕ УДИВИТЕЛЬНО (նոյնպէս զննում է):

ԱՅՐԻ.—(կողմը) Այսպէս էլ անամօթ: Մեծ  
զալաթներ է արել, դեռ եկել պարծենում է:  
(զարմացած նայում է Քաղցածեանին):

ՔԱՂ.—(կողմը) Բոլորն էլ զարմացած են:  
Տպաւորութիւնը ուժեղ է. Շարունակենք: (ոգե-  
ւորւած) Նա մեռաւ... Չկայ այլևս այն անձը, որը  
շատերին սիրեց...

ԱՐՍ.—(ապշած) Շատերին նոյնիսկ:

ՔԱՂ.—Այո, շատ շատերին:

ԱՐՄ.—Ո՛հ... սպանեցէք ինձ:

ՔԱՂ.—Հանդարտւէք, զինւէք համբերութեամբ: Դուք դեռ շատ բաներ ունէք լսելու: (Զարունակում է) Այո՛, ապերախտ են մարդիկ, Ո՛ւր են այն սողունները: Ինչո՞ւ չեն եկել վերջին հրաժեշտը տալու իրենց սիրեկանին:

ԱՆԹ.—Ա՛յ...

ԱՐՄ.—(կատաղած) Լռիր...

ՔԱՂ.—(ողեւորւած) Ո՛չ, ես չեմ կարող լռել: Ես պիտի պոռամ, ես պիտի աղաղակեմ, որ ողջ աշխարհը իմանայ նրա հերոսութիւնները:

ԱՐՄ.—Միրտս, սիրտս: (Յուլանում է: Անճառանք եւ այրին օդնուծեան են զախս):

ԱՅՐԻ—Ձ՛ուր, ջ՛ուր...

1 ՄԳԻՈՐ—(չուր տալով Անճառանին, դառնում է 2 սղորին) Հօ լսեցիր:

2 ՄԳԻՈՐ—Ես միշտ էլ ասել եմ որ նա մարմանդ ջուր է:

ԱՆԹ.—Տէր Աստուած, այս ինչ օյին էր եկաւ մեր գլխին:

ՔԱՂ.—(ողեւորւած) Օյի՛ն... սա օյին չէ, այլ ողբերգութիւն: Շեքսպիւրի, Շիլլերի ողբերգութիւնների նման մի ողբերգութիւն:

ԱՆԹ.—Դու դեռ շարունակում ես:

ՔԱՂ.—Աբա, ինչի՞ համար եմ եկել ես այստեղ. կարծում էք միմիայն քելեխ ուտելու:

ԱՆԹ.—Ա՛յ, հօրս ցաւը ուտես, այ, ոտդ կոտրւէր չը գայիր այստեղ: Կորի, թէ չէ...

ԱՐՄ.—(ուշքի դալով) Թող, որ նա պատմէ: Ես ուզում եմ բոլորը իմանալ:

ՔԱՂ.—Այո, պէտք է իմանալ. (շարունակում է) Մեռաւ այն սիրտը, որը սիրելուց չէր հոգնում. մեռաւ այն անձը, որը մերժել չը դիտէր. հարկաւոր էր ցանկութիւն ունենալ և կարող էիր օգտուել...

ԱՐՄ.—Ո՛հ դժողբ:

ՔԱՂ.—Նա սիրում էր, թէ մեծերին և թէ փոքրերին:

ԱՐՄ.—Ո՛հ երկինք, փլիբ իմ գլխիս:

ՔԱՂ.—Իմ գլխին ևս:

ԱՐՄ.—(մէկուսի) Ուրեմն...

ՔԱՂ.—Այո, ուրեմն:

ԱՐՄ.—(սխտ նայում է Քաղցածեանին, նորից մէկուսի) Եւ այդպէս...

ՔԱՂ.—Այո, և այդպէս:

ԱՐՄ.—(բարկացած) Ի՞նչ էք կապիկի պէս կրկնում ասածներս:

ՔԱՂ.—Ներեցէք, ես... այնպէս:

ԱՐՄ.—Որքան միամիտն ենք եղել մենք, մայրիկ: Ի՞նչպէս ես, յիմարս, հաւատում էի նրան:

ԱՆԹ.—Ասում էի, որդի, նա քեզ համապատասխան չէ.—դու տարիքով, նա ջահել: Չը լսեցիր ինձ:

ԱՐՄ.—(կատաղի) Ա՛խ, ինչո՞ւ նա կենդանի չէ:

ՔԱՂ.—(Կեզծ վշտացած) Այո, ինչու նա կենդանի չէ:

ԱՆԹ.—Տօ դու ձենդ չես կտրի, այ անբեղ, անմուռուք պաժարնի, այ գեղինը դնեմ ես քու բոյը. կորի ես քեզ ասում եմ...

ԱՐՄ.—Ո՛չ, նա չի գնայ այստեղից, մինչև չը խոստովանի բոլորը: Ասացէք, ուրիշ ո՞վքեր են եղել նրա սիրեկանները ձեզնից բացի:

ՔԱՂ.—(Կողմը) Այ, քեզ յիմար դրութիւն. ի՞նչ պատասխանեմ սրան ես հիմայ:

ԱՆԹ.—Պապանձւեց լէզո՞ւդ.

ՔԱՂ.—Հանգստացէք, մայրիկս:

ԱՆԹ.—Այ, դու սրիկայ, դեռ համարձակուում ես մայրիկ ասել ինձ: (հովանոցով ուզում է խփել)

ՔԱՂ.—(Կողմը) Ահա քեզ և վարձադրութիւն: Սո՞ւտ էի ասում ես, որ մարդիկ ապերախտ են:

ԱՐՄ.—Ի՞նչ էք փնթփնթում քնթի տակ:

ՔԱՂ.—Ոչինչ... այնպէս... մտաբերում եմ:

ԱՐՄ.—Դուք դեռ շատ անգամներ կը մտաբերէք: Ասացէք:

ՔԱՂ.—Ասեմ, ասեմ. միայն թէ մայրիկին հանգստացրէք մի փոքր. ես վախենում եմ:

ԱՆԹ.—Հիմայ վախենում ես, հա՛. իսկ այն ժամանակ, երբ վիզիթներ էիք անում...

ԱՐՄ.—(բարկացած) Դէհ, վերջ տւէք խնդրեմ:

ՔԱՂ.—Այո, լաւ կը լինի որ վերջ տանք. մատաղի շիւեն էլ կարող է սարչել:



ԱՐՄ.—Այդ, համենայն դէպս, ձեզ չի վերաբերում:

ՔԱՂ.—(կողմը) Ինձ չէ վերաբերում. արա ես էլ ինչի՞ համար եմ այստեղ գլուխ կոտրում:

ԱՐՄ.—Է՛, ասելու էք, թէ ոչ:

ՔԱՂ.—Գիտէք ի՞նչ. էլ միտք չունի իմ ասելը: Մնաք բարով: (ուզում է գնալ)

ԱՐՄ.—(բռնելով) Ո՞ւր, դուք այդպէս հեշտութեամբ չէք ազատի ձեռքիցս:

ՔԱՂ.—Ի՞նչ էք ցանկանում:

ԱՐՄ.—Ես պահանջում եմ, որ դուք տաք նրանց անունները:

ՔԱՂ.—(կողմը) Պահանջում է. ինչպէ՞ս է դուր գալիս ձեզ այդ բանը: (հերծօրէն) Գուք ինձ ներեցէք, որ ես չպիտի կարողանամ բաւարարել ձեր պահանջը: Եթէ այդպէս շատ ցանկանում էք իմանալ, ես ձեզ խորհուրդ կը տամ իրենց հարցնել: Նա ձեզ աւելի ճիշտ տեղեկութիւններ կարող է տալ:

ԱՐՄ.—Ո՞վ, նա:

ՔԱՂ.—(հերծօրէն) Յարգելի փափախչի Գրիգորը:

ԱՅՐԻ—Փափախչի Գրիգորը...

ԱՐՄ.—Հա՛... ուրեմն մէկն էլ նա է եղել:

Ա՛յ անիծւես դու էլ, փափախչի Գրիգորն էլ:

ԱՅՐԻ—Հէնց անիծւի քու կնիկը, որ այնպէս բարի պտուղ է եղել: Գու իմ մարդու յիշատակը ինչի՞ ես անիծում: Լաւ մարդ էիր, կընկանդ լաւ պահէիր, որ փողոցները չընկնէր: Քեզ-

պէս քաֆթառ ու քաշալ մարդու կնիկը իհարկէ  
այնպէս կը լինէր:

ԱՆԹ.— Է՛յ, անզգամ, այդ ում ես քաֆթառ  
ու քաշալ ասում: Թէ քու մարդը լաւ մարդ էր  
ինչո՞ւ էր ուրիշներէ կանանց հետեից ընկնում:

ԱՅՐԻ.— Սուս կաց, քաֆթառ-քուսի, թէ չէ  
մագերդ պոկ կը տամ: (զառնալով Քաղցածեանին) Ա՛յ,  
դու լածիրակ, այդ դու էիր իմ մարդին փշացնողը,  
հա՛: Ես էլ եմ ասում, ինչու է մարդս ամեն գի-  
շեր ուշ տուն գալիս: Լաւ ես ընկել ճանկս, էլ  
չես ազատուի: (հարծակում է Քաղցածեանի վերայ)

ՔԱՂ.— (Սրտէնին) Օգնեցէք խնդրեմ, այս կինը  
խենթ է երևում:

ԱՐՍ.— Ե՞ս քեզ օգնեմ, փուչ կենդանի:  
(Թակում է: Սյրին եւ ԱնՅատանն էլ միանում են):

ՔԱՂ.— Օգնեցէք, օգնեցէք, սպանեցին:

## ՏԵՄԻԼ 9.

ՆՈՅՆՔ ԵՒ ՊԱՀԱՊԱՆ


ՊԱՀ.— Այս ի՞նչ է, ի՞նչ աղմուկ է:

ՔԱՂ.— Օգնեցէք, սպանեցին:

ՊԱՀ.— Հանդարդէ՛ք: Մեղք է, ինչպէս կա-  
րելի է գերեզմանատանը կոիւ անել: (ազատում է  
Քաղցածեանին):

ՔԱՂ.— (պահապանին) Ծնորհակալ եմ բարեկամ-  
լաւ քելեիս կերցրին ինձ:

Վ. Ա. Դ. Ս. Գ. Պ. Յ. Բ.



[407]







ԳԱՆ Հիմնարար Գիտ. Գրադ.



07

H  
27437